

小山詞

目錄

臨江仙 八調	蝶戀花 十五調	醉落魄 四調	西江月 二調
鷓鴣天 十九調	生查子 十三調	武陵春 三調	解佩令 一調
南鄉子 七調	清平樂 十八調	泛清波摘遍 一調	端田樂 一調
玉樓春 廿一調	減字木蘭花 三調	河滿子 二調	于飛樂 一調
洞仙歌 一調	菩薩蠻 九調	愁倚欄令 三調	破陣子 一調
阮郎歸 五調	浣溪沙 二十調	好女兒 二調	兩同心 一調
六么令 三調	更漏子 六調	滿庭芳 一調	風入松 二調
御街行 二調	浪淘沙 四調	秋蕊香 二調	思遠人 一調
訴衷情 八調	碧牡丹 一調	鳳孤飛 一調	慶春時 二調
望仙樓 一調	行香子 一調	喜團圓 一調	憶悶令 一調
點絳脣 五調	少年遊 五調	梁州令 一調	燕歸來 一調
虞美人 九調	採桑子 二十調		
踏莎行 四調	留春令 三調		
清商怨 一調	長相思 一調		

小山詞目錄

宋六十名家觀

小山詞目錄

二

小山詞

宋 晏幾道

臨江仙

閨草堆前初見穿針樓上曾逢羅裙香露玉釵
風靚粧眉沁綠羞豔粉生紅 流水便隨春遠
行雲終與誰同酒醒長恨錦屏空相尋夢裏路
飛雨落花中

又

身外閒愁空滿眼中歡事常稀明年應賦送君
詩細從今夜數相會幾多時 淺酒欲邀誰勸
深情唯有君知東溪春近好同歸柳垂江上影
梅謝雪中枝

又

淡水三年歡意危絃幾夜離情曉霜紅葉舞歸
程客情今古道秋夢短長亭 綠酒尊前清淚
陽關疊裏離聲少陵詩思舊才名雲鴻相約處

煙霧九重城

又

淺淺餘寒春半雪銷蕙草初長煙迷柳岸舊池
塘風吹梅蕊閉雨細杏花香 月墮枝頭慳意
從前虛夢高唐覺來何處放思量如今不是夢
真箇到伊行

又

長愛碧闌干影芙蓉秋水開時臉紅凝露學嬌
啼霞觴黑冷豔雲鬟微枝 煙雨依前時候
霜叢如舊芳菲與誰同醉采香歸去年花下客
今似蝶分飛

又

旖旎仙花解語輕盈春柳能眠玉樓深處綺窗
前夢回芳草夜歌罷落梅天 沉水濃熏繡被
流霞淺酌金船綠嬌紅小正堪憐莫如雲易散
須似月頻圓

又

夢後樓臺高鎖酒醒簾幕低垂去年春恨却來時落花人獨立微雨燕雙飛記得小蘋初見兩重心字羅衣琵琶絃上說相思當時明月在曾照彩雲歸

又

東野亡來無麗句于君去後少交親追思往事好沾巾白頭王建在猶見詠詩人學道深山空自老畱名千載不干身酒筵歌席莫辭頻爭如南陌上占取一年春

蝶戀花

卷絮風頭寒欲盡墜粉飄紅日日香成陣新酒又添殘酒困今春不減前春恨蝶去鸞飛無處問隔水高樓望斷雙魚信惱亂層波瀆一寸斜陽只與黃昏近

又

初搗霜絁生張望隔葉畧聲似學秦娥唱午睡醒來慵一餉雙紋翠罩鋪寒浪雨罷蘋風吹碧漲脉脉荷花淚臉紅相向斜貼綠雲新月上彎環正是愁眉樣

又

庭院碧苔紅葉徧金菊開時已近登高宴日日露荷凋綠扇粉塘煙水澄如練試倚涼風醒酒面雁字來時恰向眉邊見幾點蘂霜雲影轉誰家簾管吹秋怨

又

喜鵲橋成催鳳駕天爲歡遲乞與初涼夜乞巧雙蛾加意画玉鉤斜倚西南掛分鉅擘銀涼葉下香袖凭肩誰記當時話路隔銀河猶可惜世間離恨何年罷

又

碧草池塘春又晚小葉風嬌尚學蛾粧淺雙燕

來時還念遠珠簾綉戶楊花滿 綠柱頻移絃
易斷細看秦箏正似人情短一曲啼鳥心緒亂
紅顏暗與流年換
一縷宿酒醒遲惱破春情緒遠信還因歸燕誤
小屏風上西江路

又

碾玉釵頭雙鳳小倒暈工夫画得宮眉巧嫩翅
□□羣勝□鴛鴦繡字春衫好 三月露桃春
意早細看花枝人面爭多少水調聲長歌未了
好枝長恨無人寄
掌中盃盡東池曉

又

醉別西樓醒不記春夢秋雲聚散真容易斜月
半窗還少睡画屏閒展吳山翠 衣上酒痕詩
裏字點點行行總是淒涼意紅燭自憐無好計
夜寒空替人垂淚
金剪刀頭芳意動綠盡開時不怕朝寒重晴雪
半消花髮惹曉妝呵盡香酥凍 十二樓中雙
翠鳳綉紗歌聲記得江南弄醉舞春風誰可笑
秦雲已有鴛屏夢

又

欲減羅衣寒未去不卷珠簾人在深深處殘杏
枝頭花幾許啼紅正恨清明雨 盡日沉香煙
不與纔過斜陽又值黃昏雨朝落暮開空自許
笑豔秋蓮生綠浦紅臉青腰舊識凌波女照影
弄妝嬌欲語西風豈是繁華主 可恨良辰天

竟無人解知心苦

又

又

碧落秋風吹玉樹翠節紅旌晚過銀河路休笑
星機停弄杼鳳雛已在雲深處樓上金鉞穿
繡縷誰管天邊隔歲分飛苦試等夜闌尋別緒
淚痕千點羅衣露

鷓鴣天

又

碧玉高樓臨水住紅杏開時花底曾相遇一曲
陽春春已算晚鶯聲斷朝雲去遠水來從樓
下路過盡流波未得魚中素月細風尖垂柳渡
夢魂長在分襟處

又

又
夢入江南煙水路行盡江南不與離人遇睡裏
銷魂無說處覺來惆悵銷魂誤欲盡此情書
尺素浮雁沉魚終了無憑據却倚鮀絃無別緒
斷腸移破秦箏柱

又

黃菊開時傷聚散曾記花前共說深深願重見
金英人未見相思一夜天涯遠羅袖同心閒
結偏帶易成釵人恨成雙晚欲寫彩箋書別怨
淚痕早已先書滿

彩袖慙慙捧玉鍾當年拚却醉顏紅舞低楊葉
樓心月歌盡桃花扇影風從別後憶相逢幾
回魂夢與君同今宵剗把銀缸照猶恐相逢是
夢中

一醉醒來春又殘野棠梨雨淚闌干玉笙聲裏
鴛空怨羅幃香中燕未還終易散且長閒莫
教離恨損朱顏誰堪共展鴛鴦錦同過西樓此
夜寒

梅蕊新秋桂葉凋小蓮風韵出瑤池雲隨綠水
歌聲轉雪繞紅綃舞袖垂傷別易恨歡運惜
無紅錦爲裁詩行人莫便銷魂去漠漠星橋尚
有期

又

守得蓮開結伴遊約開萍葉上蘭舟來時浦口
雲隨棹採罷江邊月滿樓花不語水空流年
年判得爲花愁明朝萬一西風勁爭向朱顏不
奈秋

又

鬪鴨池南夜不歸酒闌統扇有新涼雲隨碧玉
歌聲轉雪繞紅綃舞袖回今感舊欲沾衣可
憐人似水東西回頭滿眼淒涼事秋月春風豈
得知

又

當日佳期鵲誤傳至今猶作斷腸仙橋成漢渚

星波外人在鸞歌鳳舞前歡盡夜別經年別
多歡少奈何天情知此會無長計只尺涼蟾亦
未圓

又

題破香箋小研紅詩多遠寄舊相逢西樓酒面
垂垂雲南苑春衫細細風花不盡柳無窮別
來歡事少人同憑誰問取端雲信今在巫山第
幾峯

又

清潁尊前酒滿衣十年風月舊相知憑誰細話
當時事腸斷山長水遠詩金鳳闥玉龍墀看
君來換錦袍時姮娥已有慙勸約畱著蟾宮第
一枝

又

醉拍春衫惜舊香天將離恨惱疎狂年年陌上
生秋草日日樓中到夕陽雲渺渺水茫茫征

人歸路許多長相思本是無憑語莫向花箋費
可期

又

小令尊前見玉簫銀燈一曲太妖嬈歌中醉倒
誰能恨唱罷歸來酒未消 春悄悄夜迢迢碧
雲天共楚宮腰夢魂慣得無拘檢又踏楊花過
謝橋

又

楚女腰肢越女顚粉圓雙燕髻中開未絃曲怨
愁春盡淥酒盃寒記夜來 新櫛果舊分釵冶
遊音信隔章臺花間錦字空頻寄月底金鞍竟
未回

又

十里樓臺倚翠微百花深處杜鵑啼慙慙自與
行人語不似流鶯取次飛 驚夢覺弄晴時聲
聲只道不如歸天涯豈是無歸意爭奈歸期未
畫眉

又

又

又

曉日迎長歲歲同太平簫鼓間歌鍾雲高未有
前村雪梅小初開昨夜風 羅幃翠錦筵紅釵
頭羅勝寫宜冬從今屈指春期近莫使金尊對
月空

又

小玉樓中月上時夜來唯許月華知重簾有意
藏私語雙燭無端惱暗期 傷別易恨歡遲歸
來何處驗相思沈郎春雪愁銷臂謝女香膏頰

又

手燃香箋意小蓮欲將遺恨倩誰傳
歸來獨臥逍遙夜夢裏相逢
酩酊天花易落月難圓
只應花月似歡緣秦箏若有
心情在試寫離聲入舊絃

又

九日悲秋不到心
鳳城歌管有新音
風凋碧柳愁眉淡
露染黃花笑靨深
初見雁已聞砧綺羅
鼓裏勝登臨須交月戶纖纖
玉細捧霞觴澹澹金

又

碧藕花開水殿涼
萬年枝外轉紅陽
昇平歌管隨天仗
祥瑞封章滿御床
金掌露玉爐香歲華
方共聖恩長皇洲又奏
圖屏靜十樣宮眉捧壽觴

又

綠橘梢頭幾點春似畱香
送行人明朝紫鳳

朝天路十二重城五碧雲
歌漸咽酒初醺儘將紅淚
溼湘帶潯江西畔從今日
明月清風憶使君

生查子

金鞍美少年去躍青驄馬
牽紫玉樓人繡被春寒夜
消息未歸來寒食梨花謝
無處說相思背面鞦韆下

又

輕勻兩臉花淡掃雙眉柳
會寫彩箋時學弄朱絃後
今春玉釧寬昨夜羅裙皺
無計奈情何且醉金盃酒

又

關山魂夢長魚雁音塵少
兩鬢可憐青只爲相思老
端倚碧紗窗說與人人道
真箇別離難不似相逢好

又

望雨已辭雲流水難歸浦遺恨幾時休心抵秋
暈苦 忍淚不能歌試托哀絃語絃語願相逢
知有相逢否

又

一分殘酒霞兩點愁暈羅幙夜猶寒玉枕春
先困 心緒剪綠慵時節燒燈近見少別離多
還有人堪恨

又

輕輕製舞衣小小裁歌扇三月柳濃時又向津
亭見 垂淚送行人溼破紅粧面玉指袖中彈
一曲清商怨

又

紅塵陌上遊碧柳堤邊住纔趁彩雲來又逐飛
花去 深深美酒家曲曲幽香路風月有情時
總是相逢處

又

長恨涉江遙移近溪頭住閒蕩不蘭舟臥入雙
鴛浦 無端輕薄雲暗作康緄雨翠袖不勝寒
欲向荷花語

又

遠山眉黛長細柳腰肢裊妝罷立春風一笑千
金少 歸去鳳城時說與青樓道偏看潁川花
不似師師好

又

落梅亭榭香芳草池塘綠春恨最闌情月過蘭
干曲 幾時花裏閒看得花枝足醉後莫思家
惜取師師宿

又

狂花頃刻香晚蝶纏綿意天與短因緣聚散常
容易 傳唱入離聲惱亂雙蛾翠游子不堪聞
正是哀腸事

又

官身幾日閒世事何時足君貌不長紅我鬢無
重綠 榴花滿牕香金縷多情曲且盡眼中歡
莫嘆時光促

又

春從何處歸試向溪邊問岸柳弄嬌黃龍麥回
青潤 多情美少年屈指芳菲近誰寄嶺頭梅
來報江南信

南鄉子

淥水帶青潮水上朱闌小渡橋橋上女兒雙笑
盛妖嬈倚著闌干弄柳條 月夜落花朝減字
偷聲按玉簫柳外行人回首處迢迢若此銀河
路更遙

又

小盡愛春風日日宮花樹中恰向柳綿撩亂
處相逢笑靨傷心字濃 歸路草茸茸家在

秦樓夏近東醒去醉來無限事誰同說著西池

滿面紅

又

花落未須悲紅葦明年又滿枝唯有花間人別
後無期水澗山長雁字遲 今日最相思記得
攀條話別離笑說春來春去事多時一點愁心
入翠睂

又

何處別時難玉指偷將粉淚彈記得來時樓上
燭初殘待得清霜滿畫欄 不慣獨眠寒自解
羅衣襯枕檀百媚也應愁不睡更闌惱亂心情
半被閒

又

回鶻嬾熏香繡茵猶展舊鴛鴦不似同衾愁易
曉空床細剔銀燈怨漏長 幾夜月波涼夢魂
隨月到蘭房殘睡覺來人又遠離忘更是無情

也斷腸

又

眼約也應虛昨夜歸來鳳枕孤且據如今情分裏相期只恐多時不似初深意託雙魚小剪蠻箋細字書更把此情重問得何如共結因緣久遠無

又

新月又如箇長笛誰教月下吹樓倚暮雲初見雁南飛謾道行人雁後歸意欲夢佳期夢裏關山路不知却待短書來破恨應遲還是涼生玉枕時

清平樂

畱人不住醉解蘭舟去一棹碧濤春水路過盡曉鶯啼處渡頭楊柳青青枝葉離情此後錦書休寄畫樓雲雨無憑

又

千花百草送得春歸了拾盡人稀紅漸少葉底杏青梅小小窺閒抱琵琶雪香微透輕紗正好一枝嬌豔當年獨占韶華

又

煙輕雨小紫陌香塵少謝客池塘生綠草一夜紅梅先老旋題羅帶新詩重尋楊柳佳期強半春寒去後幾番花信來時

又

可憐嬌小掌上承恩早把鏡不知人易老欲占朱顏常好回堂秋月佳期藏鉤賭酒歸遲紅燭淚前低語綠箋花裏新詞

又

紅英落盡未有相逢信可恨流年凋綠鬢腰得春醒欲醒鈿箏會醉西樓朱絃玉指梁州曲罷翠簾高捲幾回新月如鉤

又

春雲綠處又見歸鴻去側帽風前花滿路冶葉
倡條情緒紅樓桂酒新開會攜翠袖同來醉
弄影娥池水短簫吹落殘梅

又

波紋碧皺曲水清明後折得疎梅香滿袖暗喜
春紅依舊歸來紫陌東頭金釵換酒銷愁柳
影深深細路花梢小小層樓

又

西池煙草恨不尋芳早滿路落花紅不掃春色
漸隨人老遠山眉黛嬌長清歌細逐霞觴正
在十洲殘夢水心宮殿斜陽

又

蕙心堪怨也逐春風轉丹杏牆東當日見幽會
綠窗題徧眼中前事分明可憐如夢難憑都
把舊時薄倖只消今日無情

又

么絃寫意密絃聲碎書得鳳箋無限事猶恨
春心難寄臥聽疎雨梧桐雨餘淡月朦朧一
夜夢魂何處那回楊葉樓中

又

笙歌宛轉臺上吳王宴宮女如花倚春殿舞綻
縷金衣綫酒闌画燭低迷彩鸞驚起雙棲月
底三千繡戶雲間十二瓊樓

又

暫來還去輕似風頭絮縱得相逢畱不住何況
相逢無處去時略約黃昏月華却到朱門別
後幾番明月素娥應是消魂

又

雙紋彩袖笑捧金船酒嬌妙如花輕似柳勸客
千春長壽豔歌更倚疎絃有情須醉撥前恰
是可憐時候玉嬌今夜初圓

又

寒催酒醒曉陌飛霜定背照回簾殘燭影斜月
光中人靜錦衣才子西征萬重雲水初程翠
黛倚門相送鶯腸斷處離聲

又

蓮開欲徧一夜秋聲轉殘綠斷紅香片片長是
西風堪怨莫愁家住溪邊採蓮心事年年誰
管水流花謝月明昨夜蘭船

又

沉思暗記幾許無憑事菊籬開殘秋少味閒却
画欄風意夢雲歸處難尋微涼暗入香襟猶
恨那回庭院依前月淺燈深

又

鶯來燕去宋玉牆東路草草幽歡能幾度便有
繁人心處碧天秋月無端別來長照關山一
點厭厭誰會依前凭喚關干

又

心期休問只有尊前分勾引行人添別恨因是
語低香近勸人清酌金鍾清歌唱徹還重莫
道後期無定夢魂猶有相逢

玉樓春

鞦韆院落重簾昇彩竿開來題綰戶牆頭丹杏
雨餘花門外綠楊風後絮朝雲信斷知何處
應作襄王春夢去紫騮認得舊游踪嘶過画橋
東畔路

又

小鞦若解愁春算一笑畱春春也住晚紅初減
謝池花新翠已遮瓊苑路前裙曲水曾相遇
挽斷羅巾容易去啼珠彈盡又成行畢竟心情
無會處

又

小蓮未解論心素狂似鈿箏絃底柱臉邊霞散
酒初醒眉上月殘人欲去舊時家近章臺住

盡日東風吹柳絮生憎繁杏綠陰時正礙粉牆
偷眼覷

何處定

又

風簾向曉寒成陣未報東風消息近試從梅蒂
紫邊尋更遶柳枝柔處問來遲不是春無信
開曉却疑花有恨又應添得幾分愁二十五絃
彈未盡

阿茸十五腰肢好天與懷春風味早面眉勻臉
不知愁帶酒熏香偏稱小東城楊柳西城草
會合花期如意少思量心事薄輕雲綠鏡臺前
還自笑

又

又已上舊另刻本蘭
花吟致詞同併入

念奴初唱離亭宴會作離聲勾別怨當時垂淚
憶西樓溼盡羅衫歌未徧難逢最是身強健
無定莫如人聚散已拚歸袖醉相扶更惱香檀
珍重勸

初心已恨花期晚別後相思長在眼蘭衾猶有
舊時香每到夢回珠淚滿多應不信人腸斷
幾夜夜寒誰共曉欲將恩愛結來生只恐來生
緣又短

又

又

玉真能唱朱簾靜憶上雙蓮池上聽百分蕉葉
醉如泥却向斷腸聲裏醒夜涼水月鋪明鏡
更看嬌花閒弄影曲終人意似流波休問心期
無恨處

離鞍好爲畧花住占取東城南陌路儘教春思
亂如雲莫管世情輕似絮古來都被虛名誤
辜負虛名身莫負勸君頻入醉鄉來此是無愁
無恨處

又

一尊相遇春風裏詩好似君人有幾吳姬十五
語如弦能唱當時樓下水良辰易去如彈指
金盞十分須盡意明朝三丈日高時笑拚醉頭
扶不起

又

瓊酥酒面風吹醒一縷斜紅臨晚鏡小翠微笑
盡妖嬈淺注輕勻長淡淨手按梅蕊尋香徑
正是佳期期未定春來還爲箇般愁瘦損宮腰

羅帶剝

又

清歌學得秦娥似金屋瑤臺知姓字可憐春恨
一生长帶粉痕雙袖淚從來嬾話低眉事
今日新聲誰會意坐中應有賞音人試問回腸
曾斷未

又

旗亭西畔朝雲住沉水香煙長滿路柳陰分到
画眉邊花片飛來垂手處妝成儘任秋娘妬
裊裊盈盈當繡戶臨風一曲醉騰騰陌上行入
凝恨去

又

離鸞照罷塵生鏡幾點吳霜侵綠鬢琵琶絃上
語無憑豈蕊梢頭春有信相息拚損朱顏盡
天若多情終欲問雪窗休記夜來寒桂酒已銷
人去恨

又

東風又作無情計豔粉嬌紅吹滿地碧樓簾影
不遮愁還似去年今日意誰知錯管春殘事
到處登臨曾費淚此時金盞直須深看盡落花
能幾醉

又

斑駁路與陽臺近前度無題初借問暝風鞭袖

儘閒垂微月。簾櫳曾暗認。梅花未足憑。芳信
絃語豈堪傳。素恨翠眉繞似遠山長。寄與此愁

腸斷處。臨水樓臺蘇小住。細思巫峽夢同時。不減秦源

又

紅綃學舞。腰肢軟。施纖舞衣宮樣。樂織成雲外
雁行斜。染作江南春水淺。露桃宮裏隨歌管。
一曲霓裳紅日晚。歸來雙袖酒成痕。小字香箋

芳年正是香英嫩。天與嬌波長入鬢。盡珠宮裏
舊承恩。夜拂銀屏朝把鏡。雲情去住終難信。
花意有無休更問。醉中同盡一盃歡。歸後各成
孤枕恨。

又

當年信道情無價。桃葉尊前論別夜。臉紅心緒
學梅妝。眉翠工夫如月画。來時醉倒旗亭下。
知是阿誰扶上馬。憶曾挑盡五更燈。不記臨分

輕風拂柳水初凝。細雨銷塵雲未散。紅窗青鏡
待妝梅。綠陌高樓催送雁。華羅歌扇金蕉醖。
記得尋芳心緒慣。鳳城寒盡又飛花。歲歲春光
常有恨。

又

採蓮時候。嬌歌舞。永日閒從花裏度。暗隨蘋末
曉風來。直待柳梢斜月去。停撈笑說江頭路。

長亭晚送都似綠窗前日夢。小宇還家恰應紅
燈昨夜花。良時易過半鏡流年春欲破。往事
難忘一枕高樓到夕陽。

又

鵲春不住恰似年光無味處滿眼飛英彈指東風太淺情 筆絃未穩學得新聲難破恨轉枕花前且伴香紅一夜眠

又

長楊輦路綠滿當年攜手處試逐春風重到宮花花樹中 芳菲遶徧今日不如前日健酒罷淒涼新恨猶添舊恨長

洞仙歌

春殘雨過綠暗東池道玉豔藏羞媚頰笑記當時已恨飛鏡歡疎那至此仍苦題花信少連環情未已物是人非月下疎梅似伊好澹秀色黯寒香聚若春客何心顧閒花九草但莫使情隨歲華遷便香隔秦源也須能到

菩薩蠻

來時楊柳東橋路曲中暗有相期處明月好因

緣欲圓還未圓却尋芳草去画扇遞微雨飛絮莫無情閒花應笑人

又

箇人輕似低飛燕春來綺陌時相見堪恨雨橫波惱人情緒多長畱青鬢住莫放紅顏去占取豔陽天且教伊少年

又

鶯啼似作畱春語花飛鬪學回風舞紅日又平西画簾遮燕泥煙花還自老綠境人空好香狂去年衣魚箋音信稀

又

春風未放花心吐尊前不擬分明語酒色上來遲綠鬢紅杏枝今朝睂黛淺暗恨歸時遠前夜月當樓相逢南陌頭

又

嬌香淡染胭脂雪愁春細画彎彎月花月鏡邊

人淺教勻未成 佳期應有在試倚鞦韆待滿
地落英紅萬條楊柳風

又

香蓮燭下勻丹雪教成笑弄金階月嬌面勝芙蓉
臉邊天與紅 玳筵雙揭鼓喚上華茵舞春
淺未禁寒暗嫩羅袖寬

又或刻張
子野

哀箏一弄湘江曲聲聲寫盡湘波綠纖指十三
絃細將幽恨傳 當庭秋水慢玉柱斜飛雁聲
到斷腸時春山眉黛低

又

江南未雪梅花白憶梅人是江南客猶記舊相
逢淡煙微月中 玉容長有信一笑歸來近懷
遠上樓時晚雲和雁低

又

相逢欲話相思苦淺情肯信相思否還恐謾相

息淺情人不知 憶曾攜手處月滿窗前路長
到月來時不眠猶待伊

阮郎歸

粉痕閒印玉尖纖啼紅傍曉奩舊寒新暝尚相
兼梅疎待雪添 春冉冉恨厭厭章臺對卷簾
箇人靚影弄涼蟾樓前側帽簷

又

來時紅日弄窗紗春紅入睡霞去時庭樹欲棲
鴟香屏掩月斜 叔壘羽聲教華青驪信又差
玉笙猶戀碧桃花今宵未憶家

又

舊香殘粉似當初人情恨不如一春猶有數行
書秋來書更疎 衾鳳冷枕鸞孤愁腸待酒舒
夢魂縱有也成虛那堪和夢無

又

天邊金掌露成霜雲隨雁字長綠盃紅袖趁重

陽人情似故鄉 蘭佩紫菊簪黃愁難理舊狂
欲將沉醉換悲涼清歌莫斷腸

又

曉妝長趁景陽鐘雙蛾著意濃舞腰浮動綠雲
穠櫻唇半點紅 憐美景惜芳容沉思暗記中
春寒簾櫳幾重重楊花盡日風

浣溪沙

二月春花厭落梅仙源歸路碧桃催渭城絲雨
勸離盃 歡意似雲真薄倖客鞭搖柳正多才
鳳樓人待錦書來

又

臥鴨池頭小苑開暄風吹盡北枝梅長莎軟路
幾紫回 靜選綠陰鶯有意護塵遊騎絮多才
去年今日憶同來

又

二月風和到碧城萬條千縷綠相迎舞煙弄日

過清明 妝鏡巧眉偷葉樣歌臺妍曲倚枝名
晚秋霜霰莫無情

又

白紵春衫楊柳鞭碧蹄驕馬杏花羈落英飛絮
冶遊天 南陌暖風吹舞榭東城涼月照歌筵
賞心多是酒中仙

又

床上銀屏幾點山鴨爐香過過瑣窗寒小雲雙枕
恨春閒 惜別謾成良夜醉解愁時有翠牋還
那回分袂月初殘

又

綠柳藏烏靜掩關鴨爐香細瑣窗閒那回分袂
月初殘 惜別謾成良夜醉解愁時有翠牋還
欲尋雙葉寄情難

又

家近旗亭酒易酤花時長得醉工夫伴入歌扇

嬾妝梳 戶外綠楊春繫馬床頭紅燭夜呼盧
相逢還解有情無

又

日日雙眉圖畫長行雲飛絮矣輕狂不將心嫁
冶遊郎 澌酒滴殘歌扇字弄花幄得舞衣香
一春彈淚說淒涼

又

舊失題
次卷末

樓上燈深欲閉門夢雲散處不留痕幾年芳草
憶王孫 白日闌干依舊綠試將前事倚黃昏
記曾來處易銷魂

又

午醉西橋夕未醒雨花淒斷不堪聽時應減
鬢邊青 衣化客塵今古道柳含春意短長亭
鳳樓爭見路傷情

又

一樣宮妝簇彩舟碧圓羅扇自障羞水仙時粧

鏡中遊 腰自細來多態度臉因紅處轉風流
年年相遇綠江頭

又

已拆軟韃不奈閒却隨蝴蝶到花間旋辜雙葉
插雲鬟 幾褶湘裙煙縷細一鈎羅襪素蟾彎
綠箋紅豆憶前歡

又

閒弄箏絃嬾繫裙鉛華銷盡見天真眼波低處
事還新 悵悵不逢如意酒尋思難值有情人
可憐處處鎖窗春

又

團扇初隨碧簾收畫簾歸燕尚遲留顰朱眉翠
喜清秋 風意未應迷狹路燈痕猶自記高樓
露花煙葉與人愁

又

翠閣朱闌倚處危夜涼閒捻彩簫吹曲中雙鳳

已分飛 綠酒細傾銷別恨紅箋小寫問歸期
月華風意似當時

又

唱得紅梅字字香柳枝桃葉盡深藏過雲聲裏
送離觴 纔聽便拚衣袖溼欲歌先倚黛眉長
曲終敲損燕釵梁

又

小杏春聲學浪仙疎梅清唱替哀絃似花如雪
繞魂遊 腮粉月痕款罷後臉紅蓮豔酒醒前
今年新調得人憐

又

銅虎分符領外臺五雲深處彩旌來春隨紅旆
過長淮 千里袴襦添舊暝萬家桃李間新栽
使星回首是三台

又

浦口蓮香夜不收水邊風裏欲生秋棹歌聲細

不驚鷗 涼月送歸思往事落英飄去起新愁
可堪題葉寄東樓

又

莫問逢春能幾回能歌能笑是多才露花猶有
好枝開 綠鬢舊人皆老大紅梁新燕又歸來
儘須珍重掌中盃

六么令

綠陰春盡飛絮遠香閣晚來翠眉宮樣巧把遠
山學一寸狂心未說已向橫波覺畫簾遮匝新
翻曲妙暗許閒人帶偷掐 前度書多隱語意
淺愁難答昨夜詩有回紋約還傭押都待笙
歌散了記取畱時雲不消紅蠟閒雲歸後月在
庭花舊闌角

又

雪殘風信悠颺春消息天涯倚樓新恨楊柳幾
絲碧還是南雲雁少錦字無端的寶釵瑤席彩

絃聲裏拚作尊前未歸客 遙想疎梅此際月
底香英拆別後誰繞前溪手揀繁枝摘莫道傷
高恨遠付與臨風笛儘堪愁寂花時往事更有
多情箇人憶

又

日高春睡喚起嬾裝束年年落花時候慣得嬌
眠足學唱宮梅便好更喚銀笙逐黛蛾低綠堪
教人恨却似江南舊時曲 常記東樓夜雪翠

幕遮紅燭還是芳酒盃中一醉光陰促曾笑陽
臺夢短無計憐香玉此歡難續乞求歌罷偕取
歸雲画堂宿

更漏子

梨花稀地草徧冷落吹笙庭院人去日燕西飛
燕歸人未歸 數書期尋夢意彈指一年春事
新悵望舊悲涼不堪紅日長

又

柳間眠花裏醉不憐繡裙鋪地釵燕重疊蟬輕
一雙梅子青 粉箋書羅袖淚還有可憐新意
遮悶綠掩羞紅晚來團扇風

又

柳絲長桃葉小深院斷無人到紅日淡綠煙晴
流鶯三兩聲 雪香濃檀暈少枕上臥枝花好
春思重曉紋遲尋思殘夢時

又

露華高風信遠宿醉画簾低捲梳洗倦冶遊慵
綠窗春睡濃 絲條輕金縷重昨日小橋相送
芳草恨落花愁去年同倚樓

又

出牆花當路柳偕閒芳心可否紅解笑綠能單
千般惱亂春 北來人南去客朝暮等閒攀折
憐晚秀惜殘陽情知枉斷腸

又

欲論心先掩淚零落去年風味閒臥處不言時
愁多只自知 到情深俱是怨惟有夢中相見
猶似舊奈人禁恨人說寸心

御街行

年光正似花梢露彈指春還算翠眉仙子望歸
來倚欄玉城珠樹豈知別後好風涼月往事無
尋處 狂情錯向紅塵住忘了瑤臺路碧桃花
蕊已應開欲伴彩雲飛去回思十載朱顏青鬢
枉被浮名誤

又

街南綠樹春饒絮雪滿遊春路樹頭花豔雜嬌
雲樹底人家朱戶北樓閒上疎簾高卷直見街
南樹 欄干倚盡猶慵去幾度黃昏雨晚春盤
馬踏青苔曾傷綠陰深駐落花猶在香屏空掩
人面知何處

浪淘沙

高閣對橫塘新燕年光柳花殘夢隔瀟湘綠浦
歸帆看不見還是斜陽 一笑解愁腸人會蛾
妝藕絲衫袖鬱金香曳雪牽雲雷客醉且伴春
狂

又

小綠間長紅露盡煙叢花開花落管年同惟恨
花前攜手處往事成空 山遠水重重一笑難
逢已拚長在別離中霜鬢知他從此去幾度春
風

又

麗曲醉思仙十二哀絃穠纖疊柳臉紅蓮多少
雨條煙葉恨紅淚離筵 行子惜流年鵲鳩枝
邊吳堤春水艤蘭船南去北來今漸老難負尊
前

又

翠幕綺筵張淑景難忘陽關聲巧邊離梁美酒

十分誰與共玉指持觴曉枕夢高唐略話哀
腸小山池院竹風涼明夜月圓簾四捲今夜思
量

訴衷情

種花人自蕊宮來牽衣問小梅今年芳意無數
何似應枝開憑寄語謝瑤臺客無才粉香傳
信玉盞開筵莫待春回

又

淨揩妝臉淺勻眉衫子素梅兒方無心緒梳洗
閒淡也相宜雲態度柳腰肢入相思夜來月
底今日尊前未當佳期

又

渚連霜曉墜殘紅依約舊秋同玉人團扇恩淺
一意恨西風雲去住月朦朧夜寒濃此時還
是淚墨書成未有歸鴻

又

憑觴靜憶去年秋桐落故溪頭詩成自寫紅葉
和恨向東流人脈脈水悠悠幾多愁雁書不
到蝶夢無憑謾倚高樓

又

小梅風韵最妖嬈開處雪初消南枝欲附春信
長恨隴人遥聞記憶舊江皋路迢迢暗香浮
動疎影橫斜幾處溪橋

又

長因蕙草記羅裙綠腰沉水熏關千曲處人靜
曾笑倚黃昏風有韻月無痕暗消魂擬將幽
恨試寫殘花寄與朝雲

又

御紗新製石榴裙沉香慢火熏越羅雙帶宮樣
飛霞碧波紋隨錦字疊香雲寄文君繁來花
下解向尊前誰伴朝雲

又

都人離恨滿歌筵清唱倚危絃星屏別後千里
重見是何年 驄騎穩繡衣鮮欲朝天北人歡
笑南國悲涼迎送金鞭

碧牡丹

翠袖疎紈扇涼葉催歸燕一夜西風幾處傷高
懷遠細菊枝頭開嫩香還徧月痕依舊庭院事
何限 悵望秋意晚離人鬢華將換靜憶天涯
路比此情猶短試約鸞箋傳素期良願南雲應
有新雁

望僊樓

小春花信日邊來未上江梅先拆今歲東君消
息還自南枝得 素衣染盡天香玉酒添成國
色一自故溪疎隔腸斷長相憶

行香子

晚綠寒紅芳意匆匆惜年華今與誰同碧雲零
落數字征鴻看渚連洲宮扇舊怨秋風 流波

墜葉佳期何在想天教離恨無窮試將前事問
倚梧桐有銷魂處明月夜粉屏空

點絳脣

花信來時恨無人似花依舊又成春瘦折斷門
前柳 天與多情不與長相守分飛後淚痕和
酒占了雙羅袖

又

明月征鞭又將南陌垂楊折自憐輕別拚得音
塵絕 杏子枝邊倚徧闌干月依前缺去年時
節舊事無人說

又

碧水東流謾題涼華津頭寄謝娘春意臨水暈
雙翠 日日驪歌空費行人淚成何計未知濃
醉閒掩紅樓睡

又

妝席相逢旋勻紅淚歌金縷意中曾許欲共吹

花去長愛荷香柳色殷橋路畱人住淡煙微雨好箇雙樓處

又

湖上西風露花啼處秋香老謝家春草唱得清商好笑倚蘭舟轉盡新聲了煙波渺暮雲稀少一點涼蟾小

少年遊

綠勾闌畔黃昏淡月攜手對殘紅紗窗影裏朦朧春睡繁杏小屏風須愁別後天高海闊何處更相逢幸有花前一盃芳酒歸計莫匆匆

又

西溪丹杏波前媚臉珠露與深勻南橋翠柳煙中愁黛絲雨惱嬌顰常年此處聞歌帶酒曾對可憐人今夜相思水長山遠閒臥送殘春

又

離多最是東西流水終解兩相逢淺情終似行

雲無定猶到夢魂中可憐人意薄于雲水佳會更難重細想從來斷腸多處不與這番同

又

西樓別後風高露冷無奈月分明飛鴻影裏搗衣砧外總是玉關情王孫此際山重水遠何處賦西征金閨魂夢在叮嚀尋盡短長亭

又

離梁燕去裁詩寄遠庭院舊風流黃花醉了碧梧題罷閒臥對高秋繁雲破後分明素月涼影掛金鉤有人凝澹倚西樓新樣兩眉愁

虞美人

閒敲玉鐙隨堤路一笑開朱戶素雲凝澹月嬋娟門外鴨頭春水木蘭船吹花拾盡嬉遊慣天與相逢晚一聲長笛倚樓時應恨不題紅葉寄相思

又

又

飛花自有牽情處不向枝邊墜隨風飄蕩已堪
愁更伴東流水過秦樓樓中翠黛含春怨
閒倚闌干遍自彈雙淚惜香紅暗恨玉顏光景
與花同

眉又是雨頭風細惱人時時光不解年年好
葉上秋聲早可憐蝴蝶易分飛只有杏梁雙燕
每來歸

又
曲闌干外天如水昨夜還曾倚初將明月比佳
期長向月圓時候望人歸羅衣著破前香在
舊意誰教改一春離恨懶調絃猶有兩行開淚
實筆前

又
秋風不似春風好一夜金英老更誰來凭曲闌
干唯有雁邊斜月照關山雙星舊約年年在
笑盡人情改有期無定是無期說與小雲新恨
也低眉

又
疎梅月下歌金縷憶共文君語更誰情淺似春
風一夜滿枝新綠替殘紅蘋香已有蓮開信
兩漿佳期近採蓮時節定來無醉後滿身花影
倩人扶

又
小梅枝上東君信雪後花期近南枝開盡北枝
開長被隴頭遊子寄春來年年衣袖年年淚
堪爲今朝意問誰同是憶花人賺得小鳴鶯
也低顰

又
玉簫吹徧煙花路小謝經年去更教誰畫遠山

又
溼紅箋紙回紋字多少柔腸事去年雙燕欲歸
時還是碧雲千里錦書遲南樓風月長依舊

別恨無端有情誰橫笛倚危欄今夜落梅聲裏
怨關山
盧韞壑徧楊花陌晚見珍珍疑是朝雲來作高
唐夢裡人應憐醉拂樓中帽長帶歌塵試拂

又

香茵畱解金鞭睡過春

一絃彈盡仙韶樂曾破千金學玉樓銀燭夜深

又

日高庭院楊花轉閒淡春風昨夜匆匆入暹

深愁見曲中雙淚落千金從來不奈離聲怨
幾度朱絃斷未知誰解賞新音長是好風明月
暗知心

山翠黛中金盆水冷菱花淨滿面殘紅欲洗
猶慵絃上啼鳥此夜同

採桑子

又此詞向刻龍
奴兒另編

鞦韆散後朦朧月滿院人閒幾處雕闌一夜風
吹杏粉殘昭陽殿裏春衣就金縷初乾莫信

日高庭院楊花轉閒淡春風鶯語惺惺似笑金
屏昨夜空嬌慵未洗勻粧手閒印斜紅新恨

朝寒明日花前試舞看

重重都與年時舊意同

又

又

花前獨占春風早長愛江梅秀豔清盃芳意先
愁鳳管吹尋香已落閒人後此恨難裁更晚
須來却恐初開勝未開

征人去日慙慙莫負心期寒雁來時第一傳
書慰別離輕風織就機中素淚墨題詩欲寄
相思日日高樓看雁飛

又

又

花時惱得瓊枝瘦半被殘香睡損梅粧紅淚今
春第一行風流笑伴相逢處白馬遊韁笑折
垂楊手撚芳條說夜長

又

春風不負年年信長赴花期小錦堂西紅杏初
開第一枝碧簫度曲畱人醉昨夜歸遲恨短
憑誰畧語慙慙月落時

又

秋來更覺銷魂苦小宇還稀坐想行思怎得相
看似舊時南樓把手憑肩處風月應知別後
除非夢裏時時得見伊

又

誰將一點淒涼意送入低眉箇箇間坐多是今
宵得睡遲夜痕記盡窗間月曾誤心期準擬
相思還是窗間記月時

又

宜春花外樓堪倚雪意方濃雁影冥濛正共銀
屏小景同可無人解相思處昨夜東風梅蕊
應紅知在誰家錦字中

又

白蓮池上當時月今夜重圓曲水蘭船憶伴飛
環看月眠黃花綠酒分攜後淚溼吟箋舊事
年年時節南湖又採蓮

又

高吟爛醉淮西月詩酒相畱明日歸舟碧藕花
中醉過秋文姬贈別雙圓扇舟瀉銀鈎散盡
離愁攜得清風到別州

又

前歡幾處笙歌地長負登臨月幌風襟猶憶西
樓著意淡鶯花見盡當時事應笑如今一寸
愁心日日寒蟬夜夜砧

又

無端惱破桃源夢。明月青樓玉賦花柔不學行
雲易去。留應嫌衫袖前香冷。重傷金虬歌扇
風流。遞盡歸時翠黛愁。

又

年時此夕東城見。歡意匆匆明日還。重却狂樓
臺繚繚中。垂螺拂黛清歌女。曾唱相逢秋月
春風醉枕香衾一歲同。

又

雙螺未學同心綰。已占歌名月白風清長倚照
華筵裏聲。知音敲盡朱顏改。寂寞時情一曲
離亭。偕與青樓忍淚聽。

又

西樓月下當時見。淚粉偷勻歌罷還。桰恨隔爐
煙看未真。別來樓外垂楊綠。幾換青春倦客
紅塵。長記樓中粉淚人。

又

非花非霧前時見。滿眼嬌春淺。笑微顰恨隔重
簾看未真。殷勤借問家何處。不在紅塵若是
朝雲。宜作今宵夢裏人。

又

當時月下分飛處。依舊淒涼也。會思量不道孤
眠夜更長。淚痕搵徧鴛鴦枕。重繞迴廊月上
東窗。長到如今欲斷腸。

又

湘妃浦口蓮開盡。昨夜紅稀纔過前溪。聞鶺鴒
舟看雁飛。去年謝女池邊醉。晚雨霏微記得
歸時。旋折新荷蓋舞衣。

又

別來長記西樓事。結徧蘭衿。遺恨重尋。絃斷相
如綠綺琴。何時一枕追遊夜。細話初心若問
如今也。似當年著意深。

又

紅窗碧玉新名舊猶綰雙螺一寸秋波一斛明
珠覺未多 小來竹馬同遊客慣聽清歌今日
蹉跎惱亂工夫量翠蛾

又 此詞舊對曉衣兒另編亦稍有異同日作開道開倚作方看應從作可憐

昭華鳳管知名久長閉簾櫳日日春慵閉倚庭
花暈臉紅 應從金谷無人後此會相逢三弄
臨風送得富筵玉醴空

又

金風玉露初涼夜秋草窗前淺醉閒眠一枕江
風夢不圓 長情短恨難憑寄枉費紅箋試拂
么絃却恐琴心可倩傳

又

心期昨夜尋思徧猶負慙勤齊斗堆金難買丹
誠一寸真 須知枕上尊前意占得長春寄語
東鄰似此相看有幾人

踏莎行

柳上煙歸池南雪盡東風漸有繁華信花開花
謝蝶應知春來春去鴛能問 夢意猶疑心期
欲近雲箋字字繁方寸宿妝曾比杏腮紅憶人
細把香英認

又

宿雨收塵朝霞破曉風光暗許花期定玉人呵
手試妝時粉香廉幙陰陰靜 斜雁朱絃孤鶯
綠鏡傷春誤了尋芳信去年今日杏牆西啼鴛
喚得閒愁醒

又

綠徑穿花紅樓壓水尋芳誤到蓬萊地玉顏人
是並珠仙相逢展盡雙蛾翠 夢草閒眠流觴
淺醉一春總見瀛洲事別來雙燕又西飛無端
不寄相思字

又

雪盡寒輕月斜煙重清懽猶計前時共迎風未

戶背燈開拂簷花影侵簾動 繡枕雙鴛香苞翠鳳從來往事都如夢傷心最是醉時眼前少箇人送

留春令

画屏天畔夢回依約十洲雲水手撚紅箋寄人書寫無限傷春事 別浦高樓曾認倚對江南千里樓下分流水聲中有當日凭高淚

又

採蓮舟上夜來陡覺十分秋意懊惱寒花暫時香與情淺人相似 玉蕊歌清招晚醉戀小橋風細水溼紅裙滴初消又記得南溪事

又

海棠風橫醉中吹落香紅強半小粉多情怨飛絮仔細把殘春看 一抹濃檀秋水畔縷金衣新換鸚鵡盆深豔歌還更莫放人腸斷

清商怨

庭花香信口尚淺最玉樓先曉夢覺春余江南依舊遠 回紋錦字暗剪謾寄與也應歸帆要問相思天涯猶自短

長相思

長相思長相思若問相思甚了期除非相見時長相思長相思欲把相思說似誰淺情人不知

醉落魄

滿街斜月垂鞭自唱陽關徹斷盡柔腸思切都爲人人不許多特別 南橋昨夜風吹雪短亭下征塵歇歸時定有梅堪折欲把離愁細撚花枝說

又

鸞孤月缺兩春惆悵音塵絕如今若負當時節信道懽緣枉向衣襟結 若問相思何處歇相逢便是相思徹儘饒別後畱心別也待相逢細

把相思說

又

天教命薄青樓占得聲名惡對酒當歌尋思著
月戶星窗多少舊期約相逢細語初心錯兩
行紅淚尊前落霞觴且共深深酌惱亂春宵翠
被都閒却

又

休休莫莫離多還是因緣惡有情無奈思量著
月夜佳期近寫香箋約心心口口長恨昨分
飛容易當時錯後期休似前歡薄買斷青樓莫
放春閒却

西江月

愁黛顰成月淺啼妝印得花殘只消鴛枕夜來
閒曉鏡心情便嬾醉帽簷頭風細征衫袖口
香寒綠江春水寄書難攜手佳期又晚

又

南苑垂鞭路冷西樓把袂人稀庭花猶有鬢邊
枝且插殘紅自醉 画幕涼催燕去香屏曉放
雲歸依前青梳夢回時試問閒愁有幾

武陵春

綠蕙紅蘭芳信歇金盞正風流應爲詩人多怨
秋花意與銷愁 梁王苑路香英密長記舊嬉
遊曾看飛瓊戴滿頭浮動舞梁州

又

九日黃花如有意依舊滿珍叢誰似龍山秋興
濃吹帽落西風 年年歲歲登高節懽事旋成
空幾處佳人此會同今在淚痕中

又

煙柳長堤知幾曲一曲一魂銷秋水無情天笑
遙愁送水蘭橈 熏香繡被心情嬾期信轉迢
迢記得來時倚画橋紅淚滿絞綃

解佩令

玉堦秋感年華暗去掩深宮團扇無情緒記得當時自剪下機中輕素點丹青画成秦女涼襟猶在朱絃未改忍霜統飄零何處自古悲涼是情事輕如雲雨倚么絃恨長難訴

泛清波摘遍

催花雨小著柳風柔都似去年時候好露紅煙綠盡有狂情闌春早長安道秋于影裏絲管聲中誰放豔陽輕過了倦客登臨暗惜花光陰恨多少楚天渺歸思正如亂雲短夢未成芳草空把吳霜鬢華自悲清曉帝城杳雙鳳舊約漸虛孤鴻後期難到且趁朝花夜月翠尊頻倒

歸田樂

試把花期數便早有感春情緒看卽梅花吐願花更不謝春且長住只恐去春去花開還不語此意年年春會否絳唇青鬢漸少花前語對花又記得舊曾遊處門外垂楊未飄絮

河滿子

對鏡偷勻玉筋背人學寫銀鈎繫誰紅豆羅帶角心情正著春遊郎日楊花陌上多時杏子牆頭眼底關山無奈夢中雲雨空休問看幾許憐才意兩蛾藏盡離愁難拚此回腸斷終須銷

定紅樓

又

綠綺寒中心事齊紈扇上時光五陵年少渾薄倖輕如曲水飄香夜夜魂銷夢映年年淚盡啼湘歸雁行邊遠字驚鸞舞處離腸蕙樓多少鉛華在從來錯倚紅妝可羨鄰姬十五金釵早

嫁王昌

于飛樂

曉日當簾睡痕猶占香腮輕盈笑倚鸞臺暈殘紅勾宿翠滿鏡花開嬌蟬鬢畔揷一枝淡蕊疎梅每到春深多愁饒恨按成嬌下香階意中

人從別後繁繁情懷良辰好景相思字喚不歸來

愁倚欄令

憑江閣看煙鴻恨春濃還有當年聞笛淚灑東風時候草紅花綠斜陽外遠水溶溶渾似阿蓮雙枕畔画屏中

又

花陰月柳梢覓近清明長恨去年今夜雨灑離亭枕上懷遠詩成紅箋紙小研吳綾寄與征人教念遠莫無情

又

春羅薄酒醒寒夢初殘欹枕片時雲雨事已闌山樓上斜日闌干樓前路曾試雕鞍拚却一襟懨懨淚倚欄看

破陣子

柳下笙歌庭院花間姊妹秋千記得青樓當日

事寫向紅窗夜月前憑誰寄小遶絳蠟等閑陪淚吳蠶到了纏綿綠鬢能供多少恨未肯無情比斷絃今年老去年

好女兒

綠徧西池梅子青時儘無端盡日東風惡更霏微細雨惱人離恨滿路春泥應是行雲場路有閒淚灑相思想旗亭望斷黃昏月又依前誤了紅箋香信翠袖歡期

又

酌酒殷懃儘更留春忍無情便賦餘花落待花前細把一春心事問箇人莫似花開還謝願芳意且常新倚嬌紅待得歡期定向水沉煙底金蓮影下睡過佳辰

兩同心

楚鄉春晚似入仙源拾翠處隨流水踏青路暗惹香塵心心在柳外青帘花下朱門對景且

醉芳樽莫話銷魂好意曾同明月愁滋味最是黃昏相思處一紙紅箋無限啼痕

滿庭芳

南苑吹花西樓題葉故園歡事重重凭闌秋思閒記舊相逢幾處歌雲夢雨可憐流水各西東別來久淺情未有錦字發征鴻年光還少味開殘搥菊落盡溪桐覆得尊前淡月西風此恨誰堪共說清愁付綠酒盃中佳期在端時待把香袖看啼紅

風入松

柳陰庭院杏梢牆依舊巫陽鳳簫已遠青樓在水沉難復喚前香臨鏡舞鸞難照倚箏飛雁辭行墜鞦人意自悽涼淚眼回腸斷雲殘雨當年事到如今幾處難忘兩袖曉風花陌一簾夜月蘭堂

又

心心念念憶相逢別恨誰濃就中懊惱難拚處是擘釵分鈿匆匆却似桃源路失落花空記前蹤彩箋書盡浣溪紅深意難通強憶酒闌消遣到醒來愁悶還重若是初心未改多應此意須同

秋蕊香

池花清陰欲就還傷送春時候眼中人去歡難偶誰共一盃芳酒朱闌碧砌皆如舊記攜手有情不管別離久情在相逢終有

又

歌徹郎君秋草別恨遠山眉小無情莫把多情惱第一歸來須早紅塵自古長安道故人少相思不比相逢好此別朱顏應老

思遠人

紅藥黃花秋意晚千里念行客飛雲過盡歸鴻無信何處寄書得淚彈不盡臨窗滴就硯旋

研墨漸寫到別來此情深處紅箋爲無色

鳳孤飛

一曲畫樓鐘動宛轉歌聲緩綺席飛塵座滿更
小待金蕉暖細雨輕寒今夜短依前是粉牆
別館端的懽期應未晚奈歸雲難管

慶春時

倚天樓殿昇平風月彩仗春移鸞絲鳳竹長生
詞裏迎得翠輿歸離鞍遊罷何處還有心期
濃墨翠被深停畫燭人約月西時

又

梅梢已有春來音信風意猶寒南樓暮雪無人
共賞閒却玉欄干慙慙今夜涼月還似眉彎
尊前爲把桃根麗曲重倚四絃看

喜團圓

危樓靜鎖窗中迢岫門外垂楊珠簾不禁春風
度解偷送餘香眠思夢想不如雙燕得到蘭

房別來只是憑高淚眼感舊離腸

憶悶令

取次臨鶯勻畫淺酒醒遲來晚多情愛惹閒愁
長黛眉低欲月底相逢見有深深良願願期
信似月如花須更交長遠

梁州令

莫唱陽關曲淚溼當年金縷離歌自古最消魂
于今更在魂銷處南橋楊柳多情緒不繫行
人住人情却似飛絮悠揚便逐春風去

燕歸來

蓮葉雨蓼花風秋恨幾枝紅遠煙收盡水溶溶
飛雁碧雲中衷腸事魚箋字情緒年年相似
凭高雙袖晚寒濃人在月橋東

補亡一編補樂府之亡也叔原往者浮沉

酒中病世之歌詞不足以析醜解慍試續
南部諸賢餘緒作五七字語期以自娛不

獨飲其所懷兼寫一時孟酒間聞見所同
遊者意中事嘗思感物之情古今不易竊
以謂篇中之意管人所不遺第于今無傳
爾故今所製通以補亡名之始時沈十二
康叔陳十君龍家有蓮鴻蘋雲品清謳娛
客每得一解卽以草授諸兒吾三人持酒
聽之爲一笑樂已而君龍疾廢臥家康叔
下世管之狂篇醉句遂與兩家歌兒酒使
俱流轉于人間自爾鄴傳滋多積有竄易
七月已已爲高平公綴緝成編追維往昔
過從飲酒之人或龍木已長或病不偶考
其篇中所紀悲歡合離之事如幻如電如
昨夢前塵但能掩卷慨然感光陰之易遷
嘆境緣之無實也

諸名錄詞集別選相率獨小山集直追

花間字之構之如攬搗施之扶恨不能

起蓮鴻蘋雲按紅牙板唱和一遍晏氏
父子丹徒追配李氏父子云古虞毛晉記

小山詞集

宋六十名家詞

小山詞

三十八